

BASES DO IV CONCURSO DO CARTEL DE CORPUS 2020

OBXECTO

O concello de Ponteareas a través da Concellería de Ensino, Eventos. Saúde e Consumo, coa finalidade de involucrar a persoas individuais ou colectivos no deseño do cartel da Festa de Corpus 2020 convoca o presente concurso de deseño de carteis co obxecto de elixir e adquirir o cartel oficial da Festa do Corpus.

PROCEDEMENTO

O concurso realizarase por selección de xurado e regularase polas seguintes bases:

PRIMEIRA.- Participantes

O Concurso será aberto e nel poderá participar calquera persoa física, individual ou en equipo, maiores de 18 anos, cun máximo dunha obra de creación propia, orixinal e inédita de técnica libre. Non poderán participar no concurso as persoas que estean incursas nalgunha das causas de prohibición para obter a condición de beneficiarias ou beneficiarios establecida no artigo 13 da Lei 38/2003, de 17 de novembro.

SEGUNDA.- Temática

Todos os carteis deberán estar relacionados coa festividade do Corpus Christi e as Alfombras de Flores que se realizan con motivo desta festividade, e a temática estará relacionada coa xente, materiais, trazados, deseños, etc. relacionados coa festividade e con Ponteareas.

TERCEIRA.- Presentación de propostas

As propostas deberán presentarse no prazo de vinte (20) días naturais, a contar desde a data de publicación destas bases no taboleiro de anuncios do Concello, que seran publicadas asemade na páxina web municipal (www.ponteareas.gal) e nas redes sociais (facebook de cultura e turismo Ponteareas). Os traballos entregaranse no rexistro de entrada do Concello de

Ponteareas (Xardíns da Xiralda-36860 Ponteareas) de luns a venres, en horario de 9.00 a 14.00h

Para garantir o anonimato, os concursantes deberán absterse de asinar as obras que presenten, que designarán baixo un lema/seudónimo.

A autoría do cartel non poderá facerse pública en ningún momento ata rematar o proceso de selección. Conxuntamente co cartel onde unicamente figurará na parte posterior en letras lexibles o lema/seudónimo, se entregará un sobre pechado onde constará o nome e apelidos da persoa ou persoas autoras, fotocopia do DNI, domicilio, teléfono e dirección de enderezo electrónico, e unha declaración asinada indicando que a obra presentada é orixinal e inédita. No exterior do sobre aparecerá en letras maiúsculas o mesmo lema/seudónimo que figure na obra presentada, sen constar alusión algunha que permita identificar a persoa ou persoas concursantes, sendo causa de exclusión do concurso o incumprimento desta norma.

Unha vez finalizado o fallo do Xurado, abrirase o sobre onde aparecen os datos do autor ou autora e os sobres dos restantes participantes. O Concello de Ponteareas resérvase a propiedade de todos os traballos presentados durante un ano e a súa publicación total ou parcial así como a súa exposición pública.

CUARTA.- Xurado e Criterios de valoración

O xurado estará integrado por seis membros composto por:

- Como presidenta a Concelleira de Ensino, Eventos, Saúde e Consumo.
- Como secretario /a -con voz e sen voto- un traballador/a do Departamento de Ensino e Eventos.
- Catro persoas relacionadas co Deseño, o debuxo e as Belas Artes nomeadas polo Alcalde tendo en conta as suxestións dos alfombristas

CRITERIOS DE SELECCIÓN E VALORACIÓN	PUNTUACIÓN MÁXIMA
TEMÁTICA E RELACIÓN COA VILA DE PONTEAREAS E A FESTA DO CORPUS	30 PUNTOS
MELLOR DESEÑO GRÁFICO	30 PUNTOS
CALIDADE TÉCNICA	20 PUNTOS
CALIDADE ARTÍSTICA	20 PUNTOS

IMPACTO VISUAL	30 PUNTOS
CREATIVIDADE	20 PUNTOS
ORIXINALIDADE NO DESEÑO	20 PUNTOS

QUINTA.- Fallo do xurado e Premio

O xurado emitirá o seu fallo no prazo máximo dun mes dende o remate do prazo de presentación de traballos que se fará público na web <http://pontearreas.gal/> e nos medios de comunicación e difusión, e a súa decisión será inapelable.

O concurso dotarase dun único premio de mil euros (1.000,00€) . Segundo a normativa vixente, os premios estarán suxeitos á correspondente retribución tributaria, agás nos casos que corresponda exención.

Unha vez emitido o fallo do xurado, notificarase ao gañador do concurso tal condición. Así mesmo, notificarase aos demais concursantes o resultado do concurso

O cartel que reciba o premio quedará en poder do Concello de Ponteareas. A propiedade intelectual do traballo gañador corresponderá ó/á autor/a, non obstante a concesión do premio levará consigo sobre o traballo gañador a cesión exclusiva e gratuíta en favor do Concello de Ponteareas de todos os dereitos de reprodución, distribución, comunicación pública e transformación por calquera modalidade, medio ou formato, incluídos os audiovisuais, os informáticos, os multimedia e os telemáticos.

O Concello de Ponteareas poderá exercer os seus dereitos libremente, sen limitacións de tipo temporal ou territorial, sen que en ningún caso sexa necesaria a autorización do autor, que non terá dereito a ningún tipo de remuneración, percepción, participación, compensación nin indemnización por razón de ese exercicio nin da cesión de dereitos.

Queda autorizado expresamente o Concello de Ponteareas para divulgar o traballo gañador na forma e polos medios que considere máis oportunos e poderá exercer os seus dereitos sobre un fragmento ou parte do traballo, podendo adaptalo se fose necesario.

SEXTA .- Difusión

O gañador/a do concurso entregará tamén unha copia do cartel en formato dixital e incluírá os diferentes logotipos facilitados polo Concello de Ponteareas, e se é o caso das entidades patrocinadoras.

O cartel gañador e máis unha selección dos mellores traballos presentados realizada polo xurado, quedarán temporalmente en poder do Departamento de Ensino e Eventos coa finalidade de realizar unha exposición, si así se considera, coincidindo coa festividade de Corpus Christi.

Unha vez rematada a exposición serán devoltos aqueles que sexan solicitados polos seus autores. Os autores responsabilizaranse totalmente de que non existan dereitos a terceiros nas obras presentadas.

SÉPTIMA. Obrigas tributarias

Non poderá realizarse o pagamento mentres o beneficiario non se atope ao corrente no cumprimento das súas obrigas tributarias co Concello de Ponteareas e outras entidades públicas, si fose o caso.

OITAVA. Aceptación das bases

A participación no Concurso implica a total aceptación das presentes bases. A súa interpretación corresponde exclusivamente ao xurado, o cal poderá deixar deserto o premio establecido. En caso de empate decidirá o voto de calidade da presidenta do xurado.

No caso de que ningún cartel cumpra cos requisitos mínimos establecidos, o xurado queda facultado para propoñer as modificacións que considere oportunas no cartel que seleccione.